

北洋官報

目錄

宮門抄
上諭

奏議 ○憲政編查館奏核覆各衙門九年籌備未盡事宜摺
 摺 ○晉撫寶奏請鹽課滯積請減價摺
 公牘 ○督憲札一件 △鮑令汝添稟一件 △李副將鼎新稟一件 △晉撫札一件
 文告 ○則 △電報七則 △新聞十二則
 彙編 ○安州巡警教練所簡章 △湖南諮議籌辦處開票所辦事細則
 圖書 ○東鹿縣地方自治研究所官師職員學員合影

本報今日加印照片一頁

本局第一百十二期法政學報現已出版

宮門抄

八月十八日 度支部 宗人府 正白旗值日 堃公請假十五日 召見軍機

上諭

八月十八日奉

旨溥偉現在丁憂其所管之正紅旗滿洲都統事務著載振署理欽此

奏議錄要

憲政編查館會奏核覆各衙門九年籌備未盡事宜繕單呈覽摺

奏爲遵旨會同覆核各衙門九年籌備未盡事宜分別繕單恭摺仰祈 聖鑒事光緒三十四年九月二十

九日內閣奉 上諭朕欽奉 慈禧端佑康頤昭豫莊誠壽恭欽獻崇熙皇太后懿旨前據憲政編查館

資政院將議院未開以前逐年應行籌備事宜開單具奏當經降旨諄諭內外臣工依期舉辦查單開各衙門籌備事宜係就與開設議院最關切近者而言非謂未列單內之各衙門便可不受責成迨遘事外如外務部職在考查外事作養使才吏部職在變通選法考核任用禮部職在修明禮教移易風俗陸軍部職在鞏固國防振興軍勢農工商部職在提倡實業保守利權郵傳部職在審度形勢統籌交通理藩部職在考查藩情整飭邊務皆與憲政息息相通理應同時並進卽已入單內之民政部度支部學部法部等衙門尙多有未盡事宜若顧此失彼偏而不全恐屆開設議院之期規模未備致滋紛擾著各衙門統限六個月內按照該館院前奏格式各就本管事宜以九年應有辦法分期臚列奏明交憲政編查館會同覆核請旨遵行以專責成而杜遷延欽此又宣統元年閏二月初四日內閣奉 上諭現在朝廷預備立憲各該部院衙門舉凡應辦要政及一切關於預備立憲各事宜皆當次第籌畫督率所屬官員認真辦理等因欽此仰見我 皇上光紹 前謨力策富強之至意數月以來各該衙門業將本管之應行籌辦各事陸續奏陳先後准軍機處交奉 旨憲政編查館知道欽此臣等伏維預備立憲應以改良行政爲最先中國幅員廣大各直省自爲風氣一切行政頗有狃於積習難期畫一整齊者今欲圖挈領提綱之法自宜由該管各衙門立定宗旨按年督責施行則庶政修明一屆頒布憲法之時得以推行盡利是此次各該衙門所奏未盡事宜補籌備清單所未及實爲憲政之權輿關係至爲重大伏讀上年八月初一日 諭旨該王大臣等若敢扶同諱飾貽誤國事朝廷亦決不寬貸等因欽此臣等責成所在更何敢附會因循以干罪戾

茲謹督率攷核專科各員就各該衙門奏到籌備事宜按部檢核有未盡者曲爲引伸有過當者稍示限制其有彼此互相關聯者酌令同辦有與籌備原單歧出者指出更定分別釐正開具清單恭呈 御覽請 旨飭下各

該衙門將臣等覆核各節應籌辦者依限籌辦應更正者分別更正應酌核者再加酌核另行奏明辦理惟是爲政之道有準的有辦法準的者立定主見可歷久而不渝辦法者期利推行要隨時而通變除已列贍黃清單各項應

欽遵前奉

諭旨由各衙門依限籌備外其未盡事宜端緒繁曠似以先定籌備準的以爲遞年實行佈置之

方蓋九年中天時人事之不齊水旱災荒之互見必欲按期按事一一觀成匪特關於財政不能逆睹其盈虧即時會相承亦恐多端之窒礙臣等愚以爲此次各該衙門所奏籌備事宜雖非贍黃中所列憲政重要事項可比而實爲各部院行政之準的與立憲本旨均屬息息相通擬請嗣後每年冬間由該管衙門按本年原奏清單再將擬定

次年實行辦法及預算用款數目量財政之盈絀爲規模之大小先期切實奏明辦理但使所籌事項克赴行政準

的縱與各該衙門此次籌備清單略有出入不妨聲明緣由請 旨允行惟既經第二次預籌實行辦法之後各

該衙門堂官卽須負其責成按照所奏實力施行每屆六個月按照仍將已辦成績咨送臣館由臣等督率科員實行考核以昭慎重蓋與其九年並計僅爲籠統之考成不如按屆預籌較切現時之情事與其敷衍於事後致貽有名無實之譏不如寬籌於事前當收得尺得寸之效不然者各項籌備非財莫舉遙揣九年財政恐難措之裕如當此初辦之時如各項養成所研究所調查所傳習所僅爲籌辦中之籌備無需鉅款尙可勉強因應二年以後漸及

實行用度益繁挹注匪易不於此時實籌辦法屆期竭蹶縱將該管衙門暨臣等各予處分而於憲政前途已多貽

誤矣以上辦法係於變通之中預爲實行之地如蒙 俞允卽由臣館咨行各該衙門遵照辦理以圖漸進而期

有成所有臣等分別覆核各該衙門九年籌備事宜暨敬陳管見緣由謹恭摺具陳伏乞

皇上聖鑒訓示再此摺係憲政編查館主稿會同資政院辦理合併陳明謹 奏宣統元年八月十四日奉 旨

已錄

謹將各衙門奏陳逐年籌備未盡事宜覆加酌核分別釐正開具清單恭呈 御覽 外務部 查外交政策有

關國際操縱因時化裁通變必謂其逆料九年進步如何預爲之地勢所不能計惟有預儲交涉人才調查各國情

勢以期沈機觀變徐收折衝樽俎之功則原奏所謂釐定出使報告章程暨出洋任用章程洵為籌備根本之要策應由該部隨時妥為辦理惟外交官亦在文官之列原定逐年籌備事宜清單內釐訂京外官制文官考試任用官俸各章程係歸憲政編查館會議政務處同辦外交官未便兩歧應令該部將現定章程作為暫行辦法俟將來統歸京外官制文官各章程內釐定 吏部 查內政修明厥惟吏治欲期吏治之澄清尤在賞罰之悉當則叙補班次處分規則實為勸懲之標準查該部清單所載將以上二項分年分事列表頒章加意改良果能祛其舊日之拘牽條文之煩瑣俾實心之吏無所用其遲疑則巧詐之員自無所售其規避至釐訂京外官制文官考試任用官俸各章程上年八月初一日欽奉 諭旨附列清單係歸憲政編查館會議政務處同辦業經遵照刊印謄黃頒

行天下自未敢擅事更張查會議政務處吏部尚書本在與議之列有應查核之處自可隨時商度毋庸另訂辦法又該部單內列有改訂京外官革職降罰俸停升記過各款切實辦法並增訂各項處分條例皆係文官懲戒章程之屬文官懲戒章程本包於任用章程之內該部所訂各條例應作為暫行辦法俟臣館與會議政務處議定文官各章程頒布實行時悉歸文官各章程辦理以免兩歧其餘單開各項亦應作為暫行辦法一俟新官制及文官各章程頒布實行以後應即酌量歸併辦理 民政部 查該部籌備各事如調查戶口地方自治直省巡警均係按照立憲籌備原單辦理自應由該部依限籌辦毋庸另行覆核但發令之權雖屬該部而能否實行則仍視地方官吏預備人才籌儲經費之何若惟在該部嚴定考成隨時督催各直省該管專員依限辦理庶收坐言起行之效 度支部 查該部奏稱立憲籌備原單應歸該部辦理者以頒布清理財政章程始以制定確當預算案終其間確查出入明定會計劃分國家稅試辦預算決算一切辦法均已分年臚列自應遵照單開次第切實籌辦而尤以清理財政為切要之圖除幣制一項既經會議政務處奏交該部設局調查應由該部另行籌辦外其餘各項事宜或已包括於逐年清理財政之中或須推行於將來清理財政之後容由該部體察情形隨時奏明請 旨辦理等語查臣館會奏原單內該部應行籌備事宜自第一年頒布清理財政章程起至第九年制定明年確當預算案預備向議院提議止共十五條於預備立憲期內該部應辦之事其大端略已包舉此外節目自應酌盈劑虛與時消息難於逐一預為制定轉致臨時或生窒碍應如所奏由該部體察情形隨時奏明請 旨辦理 禮部 查

禮教盛衰有關風化則修明秩序賴有官吏之轉移尤賴教育之默化誠如原奏所謂乃積漸薰陶之功而非旦夕強迫之事至創設禮學館斟酌時宜援今證古本通禮爲權衡垂不刊之令典既據奏報編輯以三年爲期自應責成該管堂官會同禮學館總理督率纂協修各員分門纂輯計日程功俾得依限成書再由臣館核定請旨辦理以正彝倫而昭天秩 學部 查世界文野以讀書多少爲比例況中國爲文明之祖人類之多環球未有預備憲政非從多數識字及增進普通教育入手難收實效考核該部所奏歷年籌備事宜由粗以及精窮源而竟委誠屬窺見要領條緒井然於灌輸科學之中仍厲保存國粹之意尤爲能見其大惟在該部隨時督率各省提學使奉令承教切實施行勿令良法美意徒託空言而鮮實效 (未完)

山西巡撫寶棻奏行豫路鹽壅滯益甚請清岸減價摺

奏爲行豫路鹽壅滯益甚懇請清岸減價以資補救恭摺具陳仰祈 聖鑒事竊照潞綱引鹽自去秋兩價併收

課項短絀甚鉅本年正月間經奴才咨准度支部覆令將三省私鹽情形及應如何查禁報部核辦等因當經分飭遵辦去後茲據河東鹽法道陳際唐詳稱遵將陝豫督緝諸務實力整頓無如截至本年春運上三岸完課不及四成專就豫岸而計九僅二成有奇正在逐細研究迭據河南各路販先後稟稱南陽等十三廳州縣內惟舞陽一縣向食蘆鹽餘皆將鹽引地自京漢通軌後蘆鹽本輕運便囤積舞陽鄆城等處近更直入泌陽桐柏唐縣併所屬之源潭湖陽大小鎮市到處售賣門戶洞開藩籬盡失至蘆鹽每斤納課一釐二毫路鹽每斤納課三釐五毫已差兩倍近年加價蘆鹽每加一文按五百九十二斤包繳銀三錢路鹽每加一文按二百五十斤收錢折銀二錢有奇科則又復不平舍賤食貴木人情之所難若不亟圖補救潞綱前途殆不可問各等情查潞綱鹽務以豫岸引額爲最多豫省行銷以潞鹽課本爲最重長蘆與潞綱豫岸引地相接現復在近潞邊界分設廠店棋布星羅堵截則款絀兵單梭巡則此拿彼竄情形實屬棘手再四籌度目前所急應補救者厥有二端一曰清岸行銷引地關係額課本不容私相侵佔乾隆年間潞鹽越銷淮岸即經豫省奏明將附近淮境三十里之路鹽廠店一律撤退三十里外並不准多積鹽斤有案今蘆鹽廠棧之分設舞陽鄆城汜水等縣村鎮者與潞鹽引界相距皆在咫尺之間以彼例此本應撤退况潞鹽少銷一名豫省卽少得一名加價潞課短絀仍需豫省撥補更非從前潞侵淮界與豫省毫無出

入者可比此清岸之策不容或緩者也。一曰減價部庫加價原有課釐短絀將外撥一半提補之奏。晉豫輔車相依何敢執此爲詞。惟舊案籌備餉需之加價。二文光緒二十七年間曾因蘆商困難奏准免收而鐵路加價。江西安徽陝西等省因得不償失亦經先後奏准停收。有案豫省休戚相關。惠路岸以疏銷卽以保大宗之加價。此減價之策不容或緩者也。由該道詳請。奏咨前來。伏查豫岸爲路鹽大宗引地。近來壅滯原因不外蘆鹽侵越售價過昂兩端。非先從此入手。則商民虧短歇業。路網前途決無起色。該道所擬實係目前補救要策。且均有案可援。並非此次翻始合無仰懇。天恩敕部核議。准將蘆鹽近路邊界三十里內各飯店照案一律勒令撤退。並將豫省舊案餉需加價或洛潼鐵路加價量予停免。以維引岸而保課源。奴才仍當一面飭令該道督率場岸各員認真緝私。催課竭力疏銷。庶期酌盈劑虛。勉顧奏限。除咨部查照外。所有行豫路鹽懇請清岸減價緣由。理合恭摺具陳。伏乞皇上聖鑒訓示。謹奏。宣統元年八月十一日奉。硃批該部議奏。欽此。

公牘錄要

督憲端准度支部咨各海關報告冊變通辦法札飭各關道查照文

爲札飭事。七月二十一日准。度支部咨開。清理財政處案呈准稅務處咨稱。前准片行以各關冊報向依西歷按結。截算辦法參差。應如何改照中歷按月按季造冊報告之處。應咨行轉飭總稅務司迅速妥籌。劃一辦法。咨覆過部。以憑核辦等因。當經札行署總稅務司妥擬辦法。去後茲據署總稅務司申覆稱。海關各項冊報開關以來五十餘載。均經按西歷核算編造。若改照華歷。恐多生異議。擬請仍准按西歷辦理。俾免紛更等因。本處查該署總稅務司所稱各節。雖屬實情。惟現當清理財政之時。所有各海關報告。自應變通辦法。以期妥協。查海關歷年所造華洋貿易總冊。均以西歷某年作爲中歷某年計算。如一千九百零八年作爲光緒三十四年。誠以中歷比較西歷。不過約遲一月內外。原屬無甚參差。本處詳加籌度。所有各海關前項冊報。擬令自宣統元年起。以西歷一千九百零九年正月。二三月作爲中歷春季。四五月作爲中歷夏季。其餘秋冬兩季。均照此類推。無論中歷有無閏月。均以西歷三個月合中歷春夏秋冬各季計算。如此辦理。庶於清理財政章程暨海關向來辦法。兩無窒礙。是否可行之處。相應咨請核覆等因。前來。查中歷有閏月。無閏日。西歷有閏日。無閏月。春秋朔晦之相去先後。不過一個月內外。各海關

徵收稅款向按西歷造報現已歷有年所今准稅務處咨稱所有各海關冊報擬令自宣統元年起以西歷一千九百九年正二三月作爲中歷春季四五月作爲中歷夏季其餘秋冬兩季均照此類推如此辦理庶於清理財政章程暨海關向來辦法兩無窒礙等語本部查所擬辦法尙屬允洽在籌備初年自應照辦俟將來如有窒礙之處再行隨時另酌至本部奏定清理財政章程第四條內開各省清理財政局造送該省光緒三十四年分出入款項詳細報告冊及宣統元年以後各季報告冊又第十一條內開自宣統元年起各省文武大小衙門局所應將出入各款按月編訂報告冊送清理財政局等因通行在案查中歷西歷月分雖有參差而日期號數可以互相核對除常關收支款目仍按中歷月分報告外其各海關向按西歷造報者均自一千九百九年正月起照西歷月分將收支款目按月逐項分註西歷日期號數編訂報告冊送各該省清理財政局并將一千九百八年分各海關收支款目補行造送各該省清理財政局作爲光緒三十四年分報告冊以符定章應由稅務處通飭各海關監督遵照辦理再查膠海大連兩關尙未設有關道其收支各款現由各該關稅務司經理應由稅務處札知總稅務司轉飭該關稅務司悉照各海關前項辦法造冊報送各該省清理財政局膠海關造送山東清理財政局大連關造送奉天清理財政局以歸一律除咨覆稅務處外相應咨行貴督查照可也等因到本大臣准此除分行外合行札飭札到該道即便查照此札

法政研究所學員鮑令汝璠稟謹擬條陳請批示文並批

敬稟者竊卑職自幼以來家庭教育學校研究讀書則知虛心茹苦立行則必實事求是置身行伍之間未効微勞過蒙保獎遂除冠裳之列思 恩圖報難達下情况當國事之維艱敢竭駑力以盡職俯思到省候補非專爲仕而來遍閱今之宦場卽知今之人心有任者相聚而談不言民情之優劣治化應如之何皆曰某邑之缺分肥瘠互相較量有差者相聚而談不言政務之緩急籌辦應如之何皆曰某局之薪資厚薄各表盈虛於是缺分瘠者謀調肥者求補薪資薄者黃邊厚者患失無任無差者終日長戚戚不曰不患無位患所以立但聞彼云月有百元足意矣又聞此云年進千金如願矣注目全在茲也用心何堪問乎私財厥爲要點公事祇等閒觀經濟爲末功名爲本以此窺政途可想見時局卑職年輕識淺仕版甫登不以末吏爲辱頓失書生本色以貪利祿爲己戒以無學實爲切

憂非藉文藝而邀上賞非有猜忌而發不平浮生於兩間滄海之一粟讀聖賢書所學何事亦應略竭愚誠分憂家國是故不避斧鉞竟獻芻蕘舉目闔茸欲去此邦何地風清有懷空谷所幸 恩綸寵綽偏逢 仁憲蒞新不惟

卑職一人所深望抑且直隸全省所默祝也未及下車時殷翹首而摺先繕就俟 節至面呈旋聆 鈞諭飭候傳謁想此際 躬勤要政恐無暇見及下僚除備詳細履歷已呈外謹將所擬條陳合稟轉呈緣由理合稟陳 大帥

察核並求 批示肅此具稟敬請 勛安伏乞 垂鑒

督憲端 批稟摺均悉察核該員所陳各節如汰冗員以清吏治查吸戶以嚴煙禁此皆一定不易之辦法該員有

見及此尙徵留心時事司法具獨立性質本與行政不容相混惟中外習慣不同行政司法祇能以漸分之審判廳之交涉股係此間創設本部堂以其爲定章所無業經裁撤至津埠租界係條約所規定所論辦法持義雖正然尙格於時勢未可孟浪從事仰布政司轉飭知照繳稟摺均抄發

李副將鼎新稟請電調北洋巡洋艦二艘來沽接待和國艦隊文並批

敬稟者竊職處於本年七月二十三日奉 憲台札開准 外務部咨開准和國駐京員使照稱本國政府現派海軍艦隊前來中國各大口岸遊歷約本年九月底可抵大沽俟有準期再行奉告應請轉飭上開各口岸文武官弁至期待等情咨行查照轉飭各口岸於該艦隊到時照通行章程接待可也等因到本大臣准此除分行外合行札飭札到該處即便照章接待等因奉此茲於本年八月初一日准津海關道咨開七月二十七日准駐津和國博領事函稱敵國有戰艦三艘擬航至貴國遊歷西十月初可抵大沽等因相應咨會貴處查照等因准此副將查和國艦隊三艘於西歷十月初可抵大沽按照中歷日期推算應在八月十七之後屆期須有兵船在沽口預備鳴砲以敦邦誼而壯觀瞻理合具稟懇請 察核俯賜電調北洋巡洋艦二艘前來以便接待是否有當之處恭候 批

示祇遵肅稟虔請 崇安

督憲端 批已據稟電調矣仰即知照繳

晉撫寶札飭冀甯道整頓并州官報文
爲札飭事照得前將并州官報歸併濟文書局添設會辦一員即委原辦晉報王道辦理原令常川駐局藉資督率

現在王道業已 簡放巡警道員缺事繁責重勢難兼顧應將會辦一員即行裁撤所有書局官報事宜統歸該道一手經理以專責成至并州官報辦理迄無起色殊非持久之道應如何實力整頓之處即由該道酌量情形議詳察奪除分行外合亟札飭札到該道即便遵照辦理毋違切切此札

文告錄要

督憲批示錄要○運司詳覆擬續訂金韻梅總理女醫院議單開摺呈請示遵由 批如詳辦理仰即飭遵摺存此繳○祁州章牧之澄等稟防護祁境河隄伏秋兩汛一律穩固請查核由 批據稟已悉仰清河道查照飭知此繳○鷄澤縣楊令毅成稟該縣浮圖店等處漫溢業已堵築完固由 批據稟已悉仰仍查明被水村莊是否成災據實稟辦此繳

藩台批示○靈壽縣監生王業興呈 批爾胞叔王洛彥向在行唐縣西關開設酒舖現在王洛彥身故被舖夥王洛昌匿賬不算各情既據爾控經正定府提訊後發回行唐縣訊辦如果情真該縣何至憑空將爾管押所呈顯見別有轆轤應不准理

保定工巡總局批示○民人辛顯揚具稟一案 批該廠封禁爲日無多遽行開發深恐不足以昭炯戒所請碍難照准

保定府批示○商人孫玉山稟 批查府署設有獻局審斷案件理宜肅靜馬號近在咫尺鑼鼓喧鬧殊非所宜已由府經歷傳諭該商另擇地段移設毋庸再請立案

電報錄要

路透電○英國日日新聞云英皇擬宣示於西一月十五號將議院解散

又電○西班牙軍隊現將摩國古魯古山全部佔據并將國旗揭掛高巖之上西國人民對於此次勝利均甚歡悅於是高唱凱歌以表慶賀之意

又電○英國新巡洋艦敏納都爾號擬往亞東代替英國東亞艦隊之旗艦阿洛福利德號

柏林電○美國赫斯頓地方舉行大會時德海軍大將克斯德氏與日本久邇親王均演說祝賀美人頗爲歡迎

又電○比利時京城現在開萬國會議以便議訂海上律例

又電○土耳其陸軍大臣士克德氏現在巴黎極力表陳謂開放達爾丹尼洛海峽問題實未成就現在土國對於

飛艇問題亦不甚注意

又電○俄國飛艇此次試驗頗有效果

新政紀聞

政治

諮議局臨時會議長答辭○順直諮議局於十六日開臨時會及督憲演說金總辦開會辭已紀前日本報茲將

假定議長閻君鳳閣答辭補錄如下 諮議局未開正式會今日蒙 大帥召集爲先期預備會開此會宗旨皆

大帥維持諮議局之深意因我國立憲以諮議局爲始基事屬創舉一切規則議案既無成法可循一省議會

又與各立憲國地方議會體制不同 大帥慮遽開正式會法規未備又迫於期限議員不克完其應盡之職務

也故先召集此會使預爲籌備既開會即須維持秩序故照章票選假議長副議長本議員經同人票選承乏一

時雖自顧材能薄弱仰體 大帥提倡之意於暫時義務未敢過辭况直隸此會實有深幸者我國議定立憲實

自 大帥奉 旨出洋考查憲政始將來中國爲法治國 大帥卽爲創定憲法之偉人今幸諮議局將成之

際 大帥來督此邦故一切提撕而保持者必較他省爲尤力今又蒙臨會諭示曉以義務勉以共存責任心所

屬望於議員者甚厚而其所規戒者尤切中人情之要本議員職雖假定承此提示亦願偕諸議員竭十數日之

力詳慎規定俾固始基期無負 朝廷與聞政事之意用副 大帥提倡憲政愛我士民維持此局之熱誠

咨送順屬選舉議員名册○督憲日前准順天府尹咨開順屬選舉議員姓名年籍及初選複選得票數目彙造清

册咨請查照彙咨等因已札發諮議局籌辦處查照矣

通飭各屬銷燬刑具○浙臬李樞農廉訪以改良新法禁用刑具早經通飭各廳州縣遵辦在案無如省城兩首縣

早經革除而外府各縣仍有用天平架跪火練等刑具殘忍已極擬通飭各廳州縣所有置存之各種非刑器具

勒限時日一律解至省垣另擇日期盡行銷燬聞廉訪已具文詳請增中丞察核辦理俟奉批後卽當實力施行

學務

分科研究會改訂辦法○天津勸學所開辦本年下半年學期分科研究會改訂辦法如下 一會期限定每星期之第六日晚八點鐘開會十鐘閉會 一會場限定勸學所延賓室 一會員分甲乙丙丁戊五部 甲部修身國文讀經 乙部歷史地理 丙部格致珠算筆算 丁部手工圖畫習字游戲體操 戊部管理法專任一級各種教科 以上各部按星期次第排日研究五星期後一輪轉各堂長研究會即附入本會戊部內不另招集 甲乙丙丁四部內堂長有任某種教科者亦可與會 一決議之責任不得專歸正副代表二人 一研究某科擬用書籍及已用尙俟參證者務請携到會場 一副代表兼司鈔錄決定之議案 一會期既限定除有他項集會及大風雪推至下星期外餘概不改期 一月餘每科集會祇有一次會員如有已事務請先期辦理屆限必須與會 一提議之草案請各會員按照本星期六某部內之各科先十日送交勸學所再由勸學所騰印分布該科各會員預備答議 附研究日期表議案照此表先十日送 甲部九月初三日十月初八日十一月十三日 乙部九月初十日十月十五日十一月二十日 丙部九月十七日十月二十二日十一月二十七日 丁部九月二十四日十月二十九日十二月初五日 戊部十月初一日十一月六日十二月十二日

圖書館歸併辦理○奉省圖書館總理陳君炳煥因選充湖南本籍議員辭差旋里所有該館一切事宜提學司劉飭歸圖書館兼理以節經費至該館附設之發售室事較繁重別委議紳戴裕忱充經理員會計科員陳善充稽查員月各支車馬費三十金其館中原有之員司則分別遣留云

軍政

籌款撥地開辦軍醫局○江南軍醫局早有開辦消息茲徐鎮統以江南新軍成鎮已久本鎮目兵遇有疾病時每就診於樂善醫院殊屬不成事體是軍醫局之開辦刻不容緩故詳請前江督憲電調日本千葉醫學校畢業生張君修爵等來甯襄理一切並即委爲該局副醫官其開辦經費則由財政局設法籌撥常年經費除原有衛生獸醫兩堂經費外再籌撥若干以資補助至局址因一時難覓相當之處暫以舊督練公所(即昔日之行臺)因陋就簡略加修飾惟該處係人煙稠密之區空氣甚不清潔與衛生上大非所宜現已佈置就緒大約不日即可

開辦也

委員閱勘秋操地址○本年新軍秋操仍須舉行蘇撫瑞幸帥札委四十五標二營管帶溥應璜馳赴皖豫交界處所相度地勢繪圖貼說稟覆候核

財政

財政局咨催冊報○奉省清理財政局以各司道局所報銷冊未能按月造送誠恐日久有積壓之虞於調查機關殊形不便故日內特通咨各處務請迅速辦理每月一次咨報毋任逾延云

籌議牌照土捐辦法○蘇撫瑞中丞飭議膏捐停收膏店押閉各情迄今各土店相率視望皆不願領照現經撫院派委候補知府張壽鏞充當籌辦牌照土捐股員差飭令趕緊查明蘇城各土店銷數按照土市公行辦法分別等第認捐給發執照並令籌議辦法稟覆核奪

郵電

郵部委員勸修粵綫○郵傳部聞日前咨行粵督略云兩廣電報綫路時有阻滯每遇官商要報往往延擱多日迭經陸軍部暨本部行查在案而延誤之弊仍復難免自應派員將綫路情形詳細查勘認真修理以重要政查有潮州子局委員蘇貞洪惠州子局委員伍璧熟悉工程堪以派往查勘除分札蘇伍二委員遵照外相應咨行查照轉飭官電各局遵照以期接洽云云

請飭各屬保護電綫○安慶正陽電局協理候選知府汪的綬以所屬潁壽正毫等處電綫因上月陰雨過多均被淹沒自應設法建築以重電政爰特呈請撫院通飭各該州縣遵章保護以便交通

議訂郵政專車章程○自杭滬通車以來路政逐漸發達交通既廣商旅稱便茲因新郵政司士達夫君移催浙路公司速將郵政專車章程擬議宣佈以便八月望後實行在公司初意擬每日每次騰出二等車一輛任其裝置郵件安插郵員郵差然郵局辦法則以信差不能列坐車內似欠分別業將前情照覆公司並云每日須附開快車一次以便傳遞特別信件該公司准文後當以一切尚在草創設備尙未周到須俟訂有是項章程方能依次遵辦故日內已由業務科科長磋商議訂矣

第十條 教練所內應用職員按照頒發教練所規則第二十九條設所長一員教務委員庶務委員各一員但經費支絀應設所長歸正巡官曹明治兼充教務委員歸副巡官王瑞生兼充庶務委員歸巡董柏蔭峯兼充並不另行委派以節經費

第十一條 教練所學生均穿原有制服不得任意參差以崇體制

第十二條 教練所內管理規則以及月季考畢業任用各規則均照定章榜示講所

第十三條 所定簡章以本年閏二月十五定議之日為施行日期

第十四條 本簡章如有應行變通之處隨時商承辦理

續增變通辦法一條

第十五條 教練所辦法原定就巡警中挑選三十人入所教練嗣因巡兵程度太低不堪造就遂變計招考程度較高之學生二十人發給警餉復從巡兵中挑選十名仍足三十人為一班以警餉充經費並不另籌款項統俟

畢業後詳請考驗再行分別等次以巡長巡兵錄用

湖南諮議局籌辦處擬定初選複選開票所辦事細則

第一條 開票管理員派定後即應查照細則內開票時應用器具先行預備如法布置

第二條 開票所無論設於何項公所祠廟必於正廳上當眾公開以示大公而昭鄭重管理員及執事人等須將開票章程細則悉心研究預為布置以免臨時忙亂致滋貽誤

第三條 開票所於各區投票處送齊後即報由監督酌定時刻先行榜示屆時於大廳正中近上處設一案為開票處俟監督親臨督同開票

第四條 開票處以一管理員一監察員分別左右專司其事於案側稍後另設一棹將各區投票處安置其上依投票區之次第逐一將票取至案上由監察員開啓蓋管理員依次將票紙取出每取一票隨即拆開高聲唱

名後轉授檢票管理員

第五條 開票案前偏左西向設一棹為檢票處以一管理員掌之并以二監察員會同檢點管理員接到票紙時

會同監察員查看有效無效管理員卽高唱某人一票有效或某人一票無效此處須將選舉人名冊及各區投票簿安置案頭以備查對

第六條 檢票案必須長大能容多票檢票管理監察員決定爲有效之票卽依次排列案上如第一得某甲一票卽列於首第二得某乙一票卽列其次第一復得某甲一票卽疊於先所得某甲一票之上餘皆倣此開票畢將每疊票紙用線約爲一束以備與開票簿核對

第七條 檢票管理員監察員決定爲無效之票應另設一案存放卽可設於檢票案之次以一管理員掌之應照章程廢票各款先書紅簽分貼案上犯某款者卽安置某簽處以免混淆開票畢各爲一束以便點數列入報告第八條 收廢票處應設廢票簿一本以一監察員司之每接一廢票再行查看確係無效始記入簿內如見爲尙有疑義卽當衆宣布意見並報知監督重加審定俾免屈抑


第九條 檢票案之對面應排列兩案均東向爲得票記數處與開票案檢票案距離不可過遠案上各置一同式之開票簿(簿照所發之簿式製就)以一管理員掌之並以一監察員幫同照料

第十條 得票記數處當開票管理員唱名時記數管理員卽於簿內寫列該名至檢票管理員唱某人一票有效時記數管理員卽於簿內其人名下用紅筆在內作一圈或先刻一選字一小截得一票則於格內印一選字尤爲便易惟不可跨格或空格以便核對

第十一條 開票已畢記數管理員將開票簿內各人得票之數從實核算於格內末尾一圈或選字之下用紅筆作一線界之然後計其得票若干將總數填入末行共得之下一員卽高唱某人共得若干票一員持簿點對檢察管理員監察員卽將某人票紙計數目相符始將其票紙作爲一束放入收存票紙之器中仍高聲報明某人票數相符然後再接算二名

第十二條 匱內如有假投票應由各管理員監察員公同剖決如決爲有效卽拆去封筒將票紙歸入有效票中如決爲無效則連封筒交廢票處

第十三條 旁聽席應列於開票檢票記數各案之後多設長凳以備選舉人參觀惟參觀人不得彼此交談及任



東鹿縣地方自治研究會職員學員合影

傷風貽患

天津逆旅主人自述可畏之經歷嘗遺書致謝韋廉士大醫生紅色補丸其使重作康健有力之人焉
傷風一症最易釀成危疾即如天津法租界佛照樓棧主王君恩普嘗明證其所經歷而作保證書如左云○半年前余身素康健無異常人偶因感冒風寒初起於胸際曾服各藥罔見效驗病勢日甚一日繼至咯血每晨興時咳



嗽不止必越數分鐘之久痛極難堪迨過後殊覺氣喘乏力未幾甚輾弱衰頹異常余爲一棧之主辦事殊費氣力誠恐應酬不週有失仕商賜顧所以遍覓良方亟思醫治無奈嘗試各種丹藥非惟無益抑且加重後至睡臥床榻計三禮拜有餘勢日沉重咳嗽頻加咯血多次幾失全愈之望一日偶閱天津新聞紙見有所載證書與余病相同而爲韋廉士大醫生紅色補丸所治愈者爰倩人至天津法租界衛生大藥房取購一瓶依法服食幾乎頓覺瘥愈咳嗽亦減故耐心入服氣力日增直至十分全愈而後已今者咳嗽斷絕咯血亦止體健勝於疇昔斷年屆五十有五而精神更形充足矣余深信韋廉士大醫生紅色補丸有生長新力之奇功確知余病實爲紅色補丸所治愈甚願將余所言實情探登報讀以告世之同病者○韋廉士大醫生紅色補丸醫治王君恩普之症即使其血鮮紅稠濃俾軀弱之軀得生新力以勝其驚恐致命之肺疾也是丸常以此法由血中經過使其身體康健復原曾經醫治數千萬人所患之症即如血虧惡症 諸虛百損 少年斲喪 陽萎不舉 胃不消化 肝經各病 頭暈 山林瘴氣 瘋溼骨痛 腎骨痠痛 左癱右瘓 腳氣衝心 瘡疥疔疹

皮膚諸症 以及婦科各症 月經不調 氣鬱不舒等症是也 韋廉士大醫生紅色補丸中國各處商店經售西藥之處均有代售或直向上海九江路B字第八號 韋廉士大醫生藥局總發行處購買亦可 價銀每六瓶大洋八元每一瓶大洋一元五角 遠近郵費一律不取

上海九江路B字第八號韋廉士大醫生藥局啟

縱覽會

本月二十日至二十六日本場開第四次縱覽會前四日男客入覽後三日女客入覽每日由上午十二鐘至下午六鐘無論官紳士庶均可進場游觀藉開風氣不取分文 天津河北密窪實習工場謹白

商務印書館出版各書上海總發行所 分館 發售

欽定大清會典事例全書 版式大小謹遵 商務印書館恭印

是書前由敝館承印伏讀外務部 進呈原奏有印造尙屬精工等語查王公京外大臣得蒙 頒賜是書者僅一百三十八部敝館曾於去年縮印發售旬月間已疊再版顧海內宏達深以未見原書爲憾且原書有圖十二函亦以過於精細未能縮印致付闕如茲特再行攝影一切版式圖書悉如原書刻已印成樣本欲閱者函示即寄○一全書四百九十四冊分裝八十二函計會典六函事例六十四函圖十二函○一定額二百部售完不再印○一定價規銀四百兩預約者減爲二百五十兩○一預約以本年九月底爲限先付規銀五十兩○一本年內先出會典六函圖十二函宣統二年四月續出事例六十四函全書告竣○一遠地郵費運費概照實計○一詳細章程具載樣本中○一發售預約券處在上海本館總發行所各省分館

新譯日本議會紀事全編出版

陽湖孟森校訂無錫蔡文森侯官王我臧輯譯 是書自日本開國會始至今今年止凡二十五期 其初羌無故事朝野皆奉一憲政爲準繩爲國

爲民政府與議員各盡其道中間財政之抗爭 法律之改訂或以爭執爲攻錯或以和衷爲救濟政府之待遇議會與議會之對付政府皆新立議會者必 經之層折吾國現狀與此適合不但行政官與議員急宜人手一編以資觸發無論何人皆宜循覽庶知人 民參政之實際全書分訂四冊定價一元五角茲因諮議局不日開辦趕將前二冊先行出版後二冊七月 出版預定者實價一元收到書價後即交前二冊並付收條俟後二冊出版時憑條取書特此預告外埠郵 費照加

天津分館開設 河北大胡同 電話五百二十六號

天津商務印書館新書出版

勸賑賑災啟

敬啟者昨閱甘省督藩致各督撫請助賑電云甘省連歲苦旱蘭州七屬暨涼州平番鞏昌安定等州縣前歲被災去秋尤甚今春雨雪愆期近會寧碾伯及各土司又先後報災邊地高寒水泉素乏童山彌望生植不饒一遇旱乾即成凶饑現被災之區草根樹皮掘取殆盡鄉間人口牲畜已多餓斃又接甘省紳士紛紛來函據稱該省至有人相食之慘窮民紛紛逃糴價日增麥已漲至每石三十六兩稻草已漲至每斤二十七文視向來不啻十倍伏念甘省僻在西陲地瘠民貧蓋藏本鮮此番被災時則三年之久地則數十州縣之廣人則百數十萬之多雖督臣奏上朝廷曾撥帑金六萬散諸災區勢難偏給非再有巨款接濟何能救此哀鴻夫天災流行國家代有救災恤患義不容辭況甘民雖素稱良懦然飢寒所迫恐有鋌而走險之虞加以西北地方近接強鄰回亂以後元氣未復禍機一發何堪設想今日之救甘民計未嘗非為全同計也現上海諸公已發起助賑會無非出於愛國愛民之苦心同人復敢為甘民請命敬懇 仁人君子慨然解囊量力輸助以便彙寄該省活此窮黎庶幾上紓朝廷宵旰之憂下解民生倒懸之苦功在一隅澤敷全國甘民幸甚天下幸甚謹啟

籌賑處 北京驛馬市大街恆裕金店
天津獅子林北洋官報總局

奏辦京師自來水有限公司開北京正式股東會訂期廣告

啟者本公司自上年四月奉 農工商部奏辦期以來各項工程漸有端緒約計年內可以開市售水亟應開股東會研究營業方針以期推行盡利復因南方股東路途遠未易北來赴會議事特擬於北京漢口兩處各開會一日業經呈部核准在案除漢口開會應俟擇定日期另登南方各報廣告外茲定於九月初五日下午二鐘先在北京前門內西城根本公司開正式股東會提議一切事件應請 諸位股東自九月初一日起至初三日止各帶股票赴本公司驗明填給入場券屆期即可持券入會如不先領入場券臨時礙難接待再股東領入場券時務祈將姓氏籍貫住址開示以便遇事通函再在北京赴會之股東不得再往漢口與會合併聲明謹啟

京奉鐵路廣告

啟者本月十九日京張鐵路舉行開車禮是日日本路由天津上午八點五十分開往北京之快車並由北京下午四點三十五分開來天津之快車均在豐台車站停數分鐘以便赴會各官商在該站上下特此佈聞

新 啟

告廣司公限有灰洋



啟者本公司係承受唐山洋灰公司老廠另購外洋最新式機器旋審等創設新廠自丁未臘月新廠開機以來出貨加增行銷愈廣灰質經本廠西洋化驗師悉心研究精益求精會寄由德國國家栢林及日本關東都督府各化驗所驗得動力堅力及凝結時刻灰之粗細均合要工所用其成色與外洋最高之貨相等尚有機器製造之缸磚花磚洋灰瓦水溝管矸子土等項無論臺零交易均可本公司總理處設在天津海大道英租界並在北京奉天大連烟台牛莊青島上海漢口南京鎮江各埠均設有經售處如蒙賜訂大批價值從廉交貨不悞期限所有洋灰及各種磚瓦等件重量式樣大概用法另刊有華洋文廣告 光顧諸君請向本公司索閱面議一切可也

德律風一千三百零九號

得利洋行

本行開設天津上海香港志呢華海參崴等處均設立有年諸班貨物由外洋本機器廠自造磁蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表練金鑽珠寶鑽石戒指留耳墜鑲子表墜大小八音盒並留聲話匣單雙桶千里眼磁蘭磨花穿衣鏡妝梳洋鏡大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行面議可也

本行主人啟

瑞林祥元記

本號開設北京前門外鮮魚口天津估依街中間路北山東濟南府院西路北自置綢緞洋貨莊線貨織絨袍料衣包被套口袋線毯毛毯零賣均照行價發兌中外紳商賜顧移玉是幸

瑞林祥元記具

武齋洋行

本行開設天津 於茲二十餘年 自運各種洋貨 絨紗布匹綢緞 備化屏風鏡額 磁銅料器磁藍 奇巧美術玩器 學界文房用品 旋行携帶等件 精工鑲身物料 定織各色磨氈 現又擴充樓房 極其寬闊高大 如蒙官商光顧 價值格外從廉 本行隨便入覽 電話一千三百七十四號 天津法租界 武齋洋行謹啟

七月二十五日至八月十五日代收甘肅賑捐第四期報告清單

徐恩謙四元 張之麒一元 李師彥一元 郭鈞一元 譚中熙一元 勝魯瞻一元 單綬卿一元 石雲銘一元 清厚田一元 耶石生一元 陳少卿一元 趙盛甫一元 黃繼昌一元 王澤生三元 徐伯平一元 任熙梁西園一元 馬香蘭二元 韓新吾一元 徐墨齋一元 文印伯一元 鄭玉亭一元 (以上李學富代募洋四初一元 三益銀號一元 孫紫楨二元 陳雅南一元 何小山一元 金麗川五角 文蔭卿五角 江駿卿一元十元) 張君復一元 張健齋一元 張迪齋一元 多壽臣一元 丁笛舫一元 何行之一元 王紹臣五角 松瑞芝亭五角 烏慧臣五角 多敷之五角 張訪西一元 永鏡如五角 臺佛岑一元 劉春芳一元 靈芝峰月賓五角 李式齋五角 德子厚五角 李慰農五角 馬勳臣五角 李仲銘五角 左琴軒五角 (以上高松甫一元 李叔阿五角 文子才五角 朱海平一元 馬臨城一元 黃秦生十五元 張季良二元 張時傑一元 代募洋二十元) 張稼臣三元 徐喬軒二元 張臨城一元 黃秦生十五元 張季良二元 張時傑一元 劉禹卿一元 承子怡一元 張士閣二元 吳名世四元 (以上黃君偉代募洋三十二元) 高杏栽二元 清苑總鹽店四元 金霽如二元 張誌宣二元 (以上黃秦生代募洋十元) 元吉當 同泰當 義和當 瑞興當 保和當 七共四十元 慶興當 定和當 (以上黃秦生代募洋四十元) 聚興隆 聚升號 寶聚成 永興裕 德興永 天津銀號 乾泰號 富有和 新泰號 同泰號 瑞隆永 萬興順 鼎盛興 聚隆號 天瑞誠 萬義號 益興成 本立源 榮興號 同源裕 同泰和 瑞盛隆 源合永 德生隆 永德成 福成永 天慶永 恒興號 忠和永 同慶公 同協號 寶聚源 積慶恆 誠意號 同泰裕 集義生 德和永 祥源號 源崗永 天瑞亨 利用源 人和長 積德恆 三益永 德成永 聚恆成 裕慶祥 寶興長 四和泰 匯康元 源盛德 益豐號 (以上總共洋三十元代募黃秦生) 日本人太思平十元 無名氏五元 宋迷韓一元 葉克敦二十元 公益仁一元 無名氏五角 李大防四十元 張鴻記二元 孫蔭溪五元 葉勤宣四角 (以上葉克敦代募洋八十元四角) (未完)

前匯賑款甘省覆電廣告

賑撫局鑒感電悉甘災遠勞垂拯籌集鉅款謹率災黎叩謝公足銀八千兩已收到望轉致商會諸君及丁觀察為感此間疊次得雨秋禾芄茂可望有收各省捐款絡繹一時似已敷用並聞蕃蒸

本局廣告

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧頗加獎譽茲為推廣招徠起見自本年承印各項價目格外減讓以副官商雅意如蒙賜顧請至本局賬房面議可也

京張鐵路通車廣告

啓者本路工程告竣已通車至張家口現奉 郵傳部憲諭擇於本月十九日在南口舉行開車禮邀請中外官商蒞會業經分柬邀請是日凡有請柬者祈至西直門及豐台車站驗票登車至南口後憑入場券請赴茶會所有由西直門及豐台開行時刻次數暨回京時刻分列於後

八月十九日京張鐵路各次車開到時刻單

計開

特別專車

第一次上午九點由西直門開
第二次上午十點由西直門開

豐台至南口專車

第一次上午八點三十分由西直門開
第二次九點十五分由豐台開
第三次九點三十分由西直門開
第四次十一點三十分由豐台開

南口回豐台西直門專車

第一次下午三點由南口開
第二次三點十五分由南口開
第三次四點由南口開
第四次五點由南口開

張家口至南口往返專車

十九上午六點由張家口開
下午三點由南口開

十點十五分到南口
十一點十五分到南口

九點四十五分到南口
十一點三十四分到南口
十點四十六分到南口
下午一點十分到南口

四點四十分到豐台
四點五十四分到豐台
五點零七分到西直門
六點零七分到西直門

十二點到南口
九點到張家口